



16. august 2012

UKA 2012/160

Inatsisartut suleriaasianni § 36 naapertorlugu apeqquteqaat aallaavigalugu imatut oqallisisissamik saqqummiivunga::

**Suliffissaaleqineq peqqutigalugu pisortanit ikiorsiissutinik pilersuinnermut atatillugu kommunit qanoq ilillutik piumasaqaatinut assigiissumik atortitsinnissaannut kajumissaarnissaannut apeqquteqaat aallaavigalugu Inatsisartuni oqallinnissamik siunnersuut. Innuttaasut suliffissarsiortut assigiimmik pineqarnissaat taamaasilluni qulakkeersinnaajumallugu.**

(Inatsisartuni ilaasortaq Ruth Heilmann, Siumut)

### **Tunngavilersuut.**

Nunatsinni suliffissaaleqisut amerlasiartornerat ilutigalugu aningaasat ikiorsiissutit atukkat annertusiartuinnavinnerat akueriuminaatsunut ilaavoq. Taamaattumik ikiorsiissuteqarnermut inatsisip nalilersuiffigineqarnissaa pisariaqarluinnartutut isikkoqarpoq.

Kommunit kommuninut atortinneqarnera assigiinngitsumillu ingerlanneqarnera tusartaannarparput, Tamannalu soqutiginaruuvoq timalimmik paasisaqarfigissallugu.

Taamaattumik siornali ilaqutariinnermi ataatsimiititaliami ilaasortatut siunnersuutigisara uteqqissallugu pissutissaqarluarsimasoq paaseqqippara: Tassalu nuna tamakkerlugu ikiorsiissutit atortinneqarnerat pillugit ataatsimeersuartoqarnissaanik kissaat. Tassani aamma politikerit pisussaaffimmik nakkutiginnittut alaatsinaattutut peqataanissaat pisariaqartuuvoq.

Qanittumi tusagassiissutaavoq kujataani ikiorsiissutit aningaasanngorlugit tunniutiinnanngikkalarlugit sulininngorlugit arlaatigulluunniit pikkorissaanernik ingerlatsiviusumik ingerlatsinikkut suliffissaaleqisumut iluaqutaasumik tassalu ingerlariaqqinnissaanut siunnersuinnermik ilaqartinneqartumik piumassuseqalersitsinermillu kinguneqartumik aaqqissuussiffigineqarnerat assut iluatsittumik ingerlanneqartoq, Akerlianilli nunap ilaani torrallataanngitsumik ingerlasoqarluni.

Taamaattumik soqutiginaruuvoq Naalakkersuinnikkut suliarissallugu qanoq ittumik kommunini tamani torrallataaernerusumik aaqqiissuteqarnissaq suliarissallugu ikiorsiissutit aningaasanngorlugit tunniutiinnarnnagit sulininngortitsinikkulli aaqqissuussisoqarnissaa anguniartariaqarmat aammalu sinerissami assigiissumik atortinneqarnissaa anguneqartariaqarmat.

Inatsisartuni oqallisinissaa qilanaaralugu.